

仙傳外科集驗方序

余少讀書嘗聞先哲云為人子者不可

於是遇好方書輒喜傳錄累至數斗帙

者如切己身常製藥施與一日先君子言曰

人以藥不若施人以方則所濟者廣後而有已

驗之方必與樂善之士共及冥婁方外悉棄舊學

况經塵劫煨燼無遺僅外科集驗方一帙延承

川揚清叟所編述以授吳寧極寧極之子有本

以授西平善觀李先生先生以授於真真者其

方簡要惜未版行故獨存之昨來遊公精福地





道經雩都吾徒蕭天倪鳳洲本西昌望族自幼  
學道於紫陽觀子載前嘗從子遊亦能召風雨  
濟旱澇蓋道緣深重履踐端恪之所致也其師  
弟劉致柔順川數年門偏身苦疥癩服荆煎湯  
敗毒散諸藥俱不效予因以外科方授之用返  
魂湯未終劑而愈天倪乃欣然捐已資繡梓散  
施流通其慧濟之意如此則雨暘之應禱也宜  
哉雖然予有故人曾害鼓推風往來寒熱數月  
伏枕諸藥不能瘳最後一醫士診之曰雖成痼  
疾而有客邪在少陽經未解若曾服五積散則

誤矣詢之果然因投小柴胡湯數服寒熱頓除  
却用本科追風丸等藥理其風證而全瘳矣夫  
雜病有方傷寒有法二者無盡其道乃為良醫  
若以大方外科各專其一正恐或有所誤而不  
自知則又豈能全美乎此外科論證處方雖極  
其造理校於諸方為獨優在圓機之士臨證之  
時尤當加審焉昔

洪武戊午九月朔日浚儀原陽子趙宜真序

醫之為藝高矣自神農氏始嘗百草辨溫涼寒  
熱之性以濟民於天枉其功莫大焉厥後扁鵲



華陀最精於技治療之法效驗如神惜其術不  
盡傳今之外科迺其緒餘也外科之證癰疽為  
甚蓋疽有陰陽虛實之不同用藥稍差則立至  
殆其次如疔瘡咽喉之屬尤易以殺人世之工  
外科者因為不少求其能精類不多見浚儀原  
陽趙練師以通儒名家學於老氏道行高潔超  
邁輦流處心切於濟人以平昔所獲奇異方書  
彙聚成帙中經兵火散失唯外科方僅存戊午  
秋挾其書遊金精寓雩都之紫陽觀蓋廿年前  
嘗以道法授其觀之高士蕭鳳岡今而重過又  
能愈其徒劉順川積年不治之瘡疾鳳岡即欲  
版行以廣其扶危拯急之意而雩都谷邑艱於  
得匠因循至壬戌夏五月而原陽仙化遺命囑  
其徒劉淵然終其志淵然佩服不敢違仍將所  
受祕方總編為一卷復遇金江謝安達慨然任  
其事凡工匠供饋之費悉出於己其子允原允  
恭能如父志與一門少長互相贊美誠可嘉尚  
觀原陽之自叙與鳳岡之捐貲板行其用心皆  
極其忠厚然非淵然以弟集錄則不能就一全  
書淵然游心方外屏絕俗紛獨拳拳為於濟人



信可謂賢矣若非安達力為玉成則厥同輩欲  
廣其傳亦不可得安達豈不允賢矣乎是書之  
行可以拯危急利倉卒使凡為人子者皆得此  
書可不陷於不孝使凡為醫者皆得此書可不  
墮於不仁則仁人孝子之心具在此吾鄉前輩  
申齋劉先生本草單方序語也予故為淵然誦  
之庶幾不負其編緝之勤也昔  
洪武陽復月廬陵友蘭父吳有壬序

仙傳外科集驗方目錄

叙論癰疽發背第一



服藥通變方第二

用敷貼濕藥第三

敷貼熱藥第四

敷貼涼藥第五

合用諸方第六

藥品異名 藥品製法

增添別本經驗治癰疽發背方

治諸疔瘡經驗方 神效治癩癧方

經驗治咽喉方 治風狗咬人方



叙論癰疽發背第一

外科冠癰疽於雜病之先者變故生於頃刻性命懸於毫髮故也夫癰疽之名雖有二十餘證而其要有二何則陰陽二證而已發於陽者為癰為熱為實發於陰者為疽為冷為虛故陽發則皮厚色淡腫硬狀如牛頭有椒眼數十而痛陰發則皮薄色赤腫高多之皮而不痛又有陽中之陰似熱而非熱雖腫而實虛若赤而不燥欲痛而無膿既浮而復消外盛而內腐陰中之陽似冷而非冷不腫而實赤微而燥有膿而痛外雖不盛而內實煩悶陽中之陰其人多肥肉緊而內虛陰中之陽其人多瘦肉緩而內實而又有陽變而為陰者草鑿涼劑之過也陰變而為陽者大方熱藥之驟也然陽變陰者其證多猶可返於陽故多生陰變而陽者其證少不復能為陽矣故多死然間有生者此醫偶合於法百中得一耳所謂發者積於中而發於外也大抵人之一身皆本於五臟五臟之炁皆稟於胃氣胃為五臟之根本故胃受谷脾化之以生氣脾生肌肉胃氣傳五臟而行血脉以經絡一身而晝夜一周雖癰疽有虛實寒熱皆由炁鬱而成其因有三內因外因不內外因內曰候於人迎人迎者左手關前一分也外因候於氣口氣口者右手關前一分也人迎氣口之脉和平則為不內外因也其原有五一天行時氣二已情內鬱三體虛外感四身熱博於風冷五食炙燻飲法酒服丹石等熱母以



此五者為邪氣鬱於胃中胃氣盛而體實則邪氣相搏而流注於經絡溢於所滯血脉會聚壅結而成癰胃氣弱而體虛則邪氣盛而宿於經絡凝溢流積血脉不潮內腐而成疽故曰外形如粟中可容谷外貌如錢裏可着拳惡毒膿管寸長深滿膿血交粘用藥可痊臭穢無絲血敗氣衰陽絕陰盛神仙難醫醫之用藥當量人虛實察病冷熱推其所因究其所原而后浴之使內外相應不可一槩而論如病發於陽而極熱則當有順其炁勻其血炁順則每氣宣通而不滯血勻則血脉流動而自散蓋氣為陽血為陰陰陽調和病者自安外則用涼藥而觸之熱盛則血得涼而易散不散則熱已痿而血凝於涼此陽變為陰之

漸乃壞爛之根也急歸溫涼以治之解其外攻四圍之血路出其中間已成之膿毒然後依法以收其功也如病發於陰而極冷則內用平補之藥以宣其氣滋其血助其元陽從其脾胃待其飲食進精神回然後順氣勻血如常法外因熱藥以潮會一身之氣血回死肌拔毒氣然後用溫藥以散之其極冷者而又為涼藥所悞者不得已於三建而回陽則病必不出再作方為佳此陰變為陽之候更生之兆也若內陽不回外證不見是為獨陽絕陰不可為矣蓋陽者氣也陰者血也陽動則陰隨氣運則血行氣不運而血死血死則肌死肌死則病死矣冷證則用熱藥者不過行其氣血也蓋血氣遇熱則行遇涼則止也雖然



冷熱之藥用之固妙尤當先乳香豆粉救其心護其膜蓋心為一身之主宰膜為五臟之囊橐病之初發毒必上攻心胞絡故先嘔逆而後癰疽或先癰疽而後嘔逆者胞絡根於心也苟治之不早則心主受毒神無所舍元氣昏瞑矣病之初發毒必旁腑肌肉苟治之不早則毒氣透膜膜透則元氣泄臟腑失養精神枯槁脉壞絕矣故病至盛而生者內見五臟而膜完全者也亦有至微而死者肌肉未潰而膜先透者也此救心護膜所以為第一義欵是方乃遇神仙秘授神聖工巧不可具述非尋常州醫一州一木一針一刀之比得其要者寶之寶之

服藥通變方第二

榮衛返魂湯

又名通順散

又名何首烏散

何首烏 不犯鉄

當歸

木通 去皮尖

赤芍藥 炒

白芷

茴香 炒

土烏藥 炒

陳枳殼

麩炒若惡心姜汁炒

甘草

右方止此九味各等分水酒湯使隨證用之水酒相半亦可惟流注加獨活每服四錢病在上食後服病在下食前服

此一藥流注癰疽發背傷折非此不能效至於救壞病活死肌殭患於未萌之前拔根於既愈之後中間君臣佐使如四時五行更相迭旺真神仙妙劑隨證加減其效無窮何則此藥大能順氣勻血故也夫氣陽也血陰也陽動則陰隨氣運則血行陽滯則陰凝



氣弱則血死血死則肌死肌死則病未有不死者矣  
必調其陽和其陰然後氣血勻二者不可偏廢只調  
陽不和陰則氣耗而血凝肌必不活如五香連翹之  
類是已只和陰不調陽則血旺而氣弱疾必再作如  
內補十宣之類是已然二藥亦須參用之不可執一  
為妙此藥扶植胃本不傷元氣蕩滌邪穢自然順通  
不生變證真仙劑也用法開具于後

一發背既久不愈乃前醫用涼藥過也涼藥內傷其  
脾外冰其血脾主肌肉脾土受傷飲食必減顏色  
痿痺肌肉不生血為脉絡血一受冰則氣不旺肌  
肉糜爛故必理脾脾健肉自生宜於此方中去木通  
少用當歸倍加厚朴陳皮盛則用家傳對金飲子

又盛則加白豆蔻之類為妙

一凡治流注可加獨活流注者炁血凝滯故氣流而  
滯則血注而凝加此藥者可以動蕩一身血脉血  
脉既動豈復有流注乎

一流注起於傷寒傷寒表未盡餘毒流於四肢經絡  
溢於所滯而後為流注也如病尚有潮熱則裏有  
寒邪未盡散此方中可加升麻蘇葉如服此而熱  
不退可加乾葛如寸頭疼加川芎並用姜水煎如  
無潮熱可用水酒相半煎酒大能行血生炁故也  
氣生血行病愈可必然流注須表者何也所以推  
其因究其源不忘病之根本也寒邪既盡表之太  
過則為冷流注尤為難治故宜畧表為妙表後第



二節宜服溫平之藥乃十宣內補是以如不效第  
三節宜加附子或服四桂散數服即止溫藥亦不  
可多用恐增痛苦返成膿血不乾第四節仍歸本  
方收效然表未盡則餘毒附骨而為骨癰夫流注  
者傷寒之餘毒骨癰者又流注之敗證也流注非  
傷寒之罪乃醫者表之未盡也骨癰非流注之過  
又庸醫涼藥之過也庸醫無識心盲志聾妄猶明  
見雖知為骨癰而治之無法又復投之涼藥烈之  
毒及則毒氣滯涼藥觸鉄器則愈附骨而不能愈  
矣不然則人之骨何以有癰骨而成癰非藥所治  
故名附骨疽又名白虎飛尸留連周晷展轉數歲  
冷毒朽骨出盡自愈其不愈者至於終身有之此

皆失於初也其骨腐者多為刮骨尤或可痊正骨  
腐則終身廢疾故膿白而清者碎骨初脫肉深難  
取膿黃而濃者碎骨將出肉淺可取宜以利刀取  
之詳在後章此不過治骨癰之舉耳○又有病經  
數月傷於刀刃羸弱拳攣咳嗽膿血壞肉陰爛者  
此皆冷極陽弱陰盛不可以唾紅為熱宜以好附  
子加減治之○又有毒自手脚頭面而起疼痛偏  
身上至頸項經絡所係去毒如癩瘰癧者此為  
風濕流氣之證宜以加減小續命湯及獨活寄生  
湯與此方參錯用之○又有兩膝痛起以至偏身  
骨節皆痛婦人類血風男子類軟風此名風濕痺  
又名癱節宜以附子八物湯加減用之○又有癰



腫在項腋兩乳旁兩腠軟肉處名為瘰癧此冷  
證無熱宜以補內十宣散與此方參用小兒不可  
輕用附子恐生驚癇切不可更犯針刀薄血無膿  
弩肉難合宜以濕熱藥貼散內消倘犯針刀生弩  
肉亦以此藥收功倘用藥微疼略有驚癇宜用全  
蝎觀音散加減用之驚定藥如故事又有小兒亦  
患宿痰失道者癰腫見於頸項臂膊胸背等處是  
為冷極全在熱藥敷貼之功留口病頑耳作為佳  
治法在後○又有流注大如匏瓠覆碗見於背脊  
其證類發而其甚惡用藥之後形勢一有微動即非  
發矣宜以補內十宣與此方隨證通變用之可以  
內消大抵諸證皆原於冷故為痛者骨痛也骨者  
腎之餘腎虛則骨冷骨冷所以痛所謂骨疽皆起  
腎者亦以其根於此也故補腎必須大附子方能  
作效腎實則骨有生氣疽不附骨矣凡用藥不可  
執一貴乎通變

一凡癰疽初萌必蒸血凝滯所成為日既久則血積  
於所滯而後盛作故病人氣血盛者此方中減當  
歸多則生血發於他所再結癰腫生生不絕斯乃  
秘傳醫者少知也

一凡癰疽生痰有二證一胃寒生痰此方中加半夏  
健脾化痰二熱鬱而成風痰此方中加桔梗以化  
咽膈之痰並用生姜和水酒煎

一凡腦發背發在上者此方中可去木通恐導虛下



元為上盛下虛之病難於用藥老人虛弱者宜去之

一凡病人有瀉者不可使用此方宜先用止瀉藥白  
礬星用為藥溶開黃蠟為丸米飲下三十丸俟瀉止方用  
此藥蓋人身以血炁為主病癱之人氣血潮聚一  
處為膿若臟腑不固必原氣泄而血愈寒難愈此藥  
大能順氣故也大抵氣順則血行氣耗則血寒氣寒  
則血死血死則肌肉不生投之熱藥則肌肉無元  
氣不足以當之徒增苦投之涼藥則無是理是方  
雖仙授要在用之得當不然則有刻舟之患矣至  
於流注又不可一槩論也若涼藥耗散元氣虛敗  
有用三建取效者其疾多緣於冷故也尤當審其

脉辨其證的出於冷而然後用之亦不可過過亦  
有害但陽脉回腫處紅活骨有生氣寒氣不能相  
附為疔即歸功本方以取效此萬全妙法

一此藥丸散末皆可水酒湯使臨時裁度用之貴人  
加木香為衣病者有執痰咳嗽富沉香蘇葉湯  
皆可下員用蜜為丸

一此方非但治癰疽發背傷折至於男子婦人亦氣  
血氣皆可用屢獲效矣有一婦人患氣疾五年發  
時只是塊痛嘔逆水漿不下一發便死用此藥為  
丸木香湯下一服嘔止再服疾氣順遂愈

一凡傷折皆不脫此方但加減有差詳見傷折類中  
如尋常打破傷損或傷心胞並皆治之在頭上則



去木通枳殼加川芎陳皮常用加丁皮蘇葉能活  
血加破故紙五靈脂能破宿血水煎熟了却用濃  
酒一盞侵入候再沸却入大黃末空心服之如通  
順藥只四服先二服中入大黃末後二服不必用  
只是催發便下如不通用枳殼湯一向催如苦不  
通即不可治不可坐視人死而不知也 補血十  
宣散之類

一凡傷折常用此方可去木通名何首烏散蓋首烏  
能扶血故也如刀刃傷有潮熱面腫氣喘乃破傷  
風證可服索血散葛根湯數服姜葱煎發散或敗  
毒散三四服外用敷貼藥依法治之無不愈者矣  
一經年腰痛加草解玄胡索以酒煎服

一腳氣加檳榔木瓜瓜川山甲水煎服之

一宿痰失道非惟人不識自仙授以來惟余一派知  
之人身有痰潤滑一身猶魚之有涎然痰居胃中  
不動則無病動則百病生或喘或咳或嘔或暈頭  
痛睛疼偏身拘急骨節痺疼皆外來新益之痰乃  
血氣敗濁凝結而成也何則臟腑氣逆鬱結生痰  
當汗不汗蓄積生痰飲食過傷津液不行聚而生  
痰其常道則自胃脘達肺脘而出其失道自胃脘  
而流散冷肌肉皮毛之間脾主肌肉肺主皮毛故凡  
膏背頭項腋胯腰腿手足結聚腫硬或痛或不痛  
按之無血潮雖或有微紅亦淡薄不熱堅如石破  
之無膿或有薄血或清水或如乳汁又有壞肉如



用十宣散內補之即自消散實則用此方加大黃  
略通之使毒氣下宣為妙蓋肺與大腸相表裏故  
也如內癰已成宜以海上方與此方加減參用之  
喘咳膿血者肺癰也大使有膿自臍出者肚癰也  
忍冬藤甘草節煮酒妙

用敷貼溫藥第三

神和仙膏一名黃雲膏又名仙膏冷熱不明者用之

茶酒隨證治之

川紫荊皮五兩仲炒又名芎藭又曰內港

濁活三兩仲炒不用即赤芍藥二兩仲炒

白芷一兩仲不見火木臘略望見白陽春雪隨加減妙即

右五件並為細末用法詳見于後

夫癰疽流注雜病莫非氣血凝滯而成遇溫即生遇  
涼即死生則散死則凝此藥是溫平紫荊皮木之精能  
破氣逐血消腫獨活土之精能止風動血引氣拔骨  
中毒去痺濕氣更能與木臘破石腫堅硬赤芍藥火  
之精微能生血住痛去風木臘水之精能生血住痛  
消腫破風散血白芷金之精能去風生肌止痛蓋血  
生則不死血動則流通肌生則不爛痛止則不掀作  
風去則血自散氣破則硬可消毒自散五者交攻病  
安有不愈乎

一凡病有三證治有三法如病極熱則此方中可倍  
加紫荊皮木臘少用三品亦能消散之但功少遲  
耳如病極冷則此方微加赤芍藥獨活亦能活血



而消散之功亦稍遲而不壞病

一 如病熱勢大盛切不可用酒調但可用葱泡湯調

此藥熱敷上葱亦能散氣故也血得熱則行故熱

敷也如病稍減又須用酒調酒能生血過熱則血

愈生酒又能行血遇溫則血愈行矣

一 瘡面有血泡成小瘡不可用木臘恐性粘起藥時

生受宜用四味先敷後用木臘蓋在上面覆過四

圍以截助攻之血路凡敷藥皆須熱敷乾則又以

元湯濕透之使藥性濕蒸而行病自退矣

一 如用正方四面黑暈不退瘡口皆無血色者是人

曾用冷藥太過不可使用玉龍蓋肌不死也恐藥

力緊添痛苦宜於此方加肉桂當歸以喚起死血

自然黑暈退見功效血回即除加藥只以正方取效

一 如用正方痛不住可取酒化乳香沒藥於火上使

溶然後將此酒調藥熱塗痛止

一 流注筋不伸者可於此方加乳香敷之其性能伸

筋故也

一 如瘡口有赤肉突出者其證有三一是着水二着

風三是刀破後刀口番突宜以此方加少南星以

去風用姜汁酒調其不消者必是庸醫以手按出

膿核大重又以涼藥涼了皮以致如此若投以熱

藥則愈糜爛此又有口訣焉宜用白礬枯朴消二味為末

一 若病勢熱盛者不可使用涼藥熱盛則氣血壅會

此用硫黃搗之外服藥術加對金飲外貼沖和



必多大涼則血退不徹返凝於涼故宜溫冷相平  
用之血得溫則動挾涼則散可用此方加對停洪  
寶丹用葱湯調塗貼之

一此方乃發背流注之第一藥也學者當通變妙用  
表裏相應則病在掌握之中但發背甚者死生所  
係惟此藥功最穩重終始可恃決無變壞若發之  
輕者草醫亦能取效然有變證流弊之患此無他  
發於陰則非草醫之可治矣豈如是劑兼陰陽而  
並治奪造化之神功哉至如流注一疾雖不能死  
人而十有九為癰疾癰疾流連死亦隨之縱有醫  
之能愈者亦必半年周歲之後方見其效此乃百  
中之一然終為殘弱之身矣惟吾此孤仙方藥奇

效速萬不失一端有起死回生之效非言所能盡  
述夫流注乃傷寒之餘毒也故有表未盡者餘毒  
客於經絡氣血不勻則為熱流注所謂醫之能愈  
者熱也熱病少見有表散大過氣血衰者餘毒流  
入腠理腠理或疎或密為冷流注所謂醫之難愈  
者冷也冷病常多故傷寒表未盡者非特為熱證  
而已其餘毒亦多為冷證皆原於腎虛故作骨疽  
冷則氣愈滯而血愈積故但能為腫而不能為膿  
若醫者投之以涼劑則所謂冷其所冷而陰死於  
陰惟有壞爛肉腑毒氣着骨而為骨癰流為癰疾  
故曰骨癰者流注之敗證也又曰骨癰非流注之  
罪乃醫者涼劑之過也流者動也注者住也氣流



而滯則血注而凝氣為陽血為陰陽動則陰隨氣  
運則血行吾所以能移流注於他處而散之者  
其能動故也動則可移陽既移而動矣陰豈不  
住而不隨之者乎是故以獨活引之者以其性  
動蕩氣血也引之一動則陰陽調和不能為膠而  
散之於所移之處勢必然矣

一流注在背膊腰腿緊要處當用此方厚敷患處却  
單用一味獨活末酒調熱塗一路其盡處以玉龍  
誘之此移法也使血氣趨於他所聚於無緊要處  
作膿又或消之若以成膿則引不不急將此藥按  
之出毒氣免作骨疽如庸醫用了涼藥犯了針刀  
使成骨癰非藥所愈又待其碎骨出盡方愈若怯

用針刀取之則用玉龍治法在後若正骨出無治  
法副骨出可安

一方用白芷紫荊皮酒調以內消初生癰腫名一勝  
膏又方只用赤芍藥木臘紫荊皮作藥名三勝膏  
一方治大人小兒偶含刀在口割斷舌頭已垂落而  
未斷用雞白軟皮袋了舌頭用破血丹蜜調塗舌  
根斷血却以蜜調和蠟稀稠得所調此正方敷在  
雞子皮上取性軟薄能透藥性故也如在口溶散  
勤勤添敷三日舌接性方可去鷄子白皮只用蜜  
蠟調藥勤敷上七日全安學者觀此則知通  
活法妙用不在師傳之功如無速效以金瘡藥  
錯治之尤妙尤妙



治癰腫未成膿不可使用洪寶丹敷貼頭上起為  
冷藥一水血凝不消不能成膿反能爛肉只以此  
方敷貼如不消欲其成膿却以玉龍貼癰頭以  
之次用此正方在玉龍之下四圍用洪寶丹  
以截新潮之血又若病未甚水於涼藥者玉龍之  
下不必用此方上以洪寶丹圍之

如救壞病未見可用玉龍只丹此方自然穩當免  
病人苦

發背初生未成單用紫荊皮末酒調癰住自然操  
細不開服藥止用柞木飲子乃救貧良劑也

此方加南星草烏二味三分之二熱酒調敷諸癰  
可以潰膿不痛若單玉龍要洪寶丹極佳實妙

一獠犬咬人單用紫荊沙糖調塗留口金丹退腫嚼

杏仁置口中去毒

一法加南星草烏二味與此方各一半熱酒調敷可  
治久換至妙至妙

一小兒軟節用此方加軍姜酒調敷若初發只用此  
方酒調敷成膿而止若初發之時用紫荊皮末蠟

酒調敷可以必消切不用洪寶丹  
一燥疽心火熱毒也見於五心痛不可忍其狀如泡  
瘡而血赤外形雖小內有熱毒在心膈者難治在

手足心者可療然治之須早稍遲或在心膈則腐  
肉粉碎神仙莫醫凡有此疾在手心則用洪寶

於手心環圍敷之以截其血却用神和於手心



口收功在脚心則用洪寶敷在脚脛交骨四圍一  
二寸長以冲和收功如前  
敷貼熱藥第四

回陽玉龍膏 性熱

草烏 三兩重炒 南星 一兩俾煨 軍姜 二兩俾煨

白芷 一兩俾不臭火 赤芍藥 兩俾炒 肉桂 半兩俾不臭火

一此方治陰發背冷流注鼓推風火損痛冷痺風濕  
諸脚氣冷腫無紅赤者冷痛不腫者足頑麻婦人  
冷血風諸陰證之第一藥也用熱酒調塗用法詳  
具于後

夫雜病雖見於皮膚手足之間而因必本於五臟六  
腑蓋臟腑之血脉經絡一身晝夜運行周而復始

一臟受病必見於本臟脉息所經之處即陰陽分  
手足之所屬也其為病有冷有熱熱者易治冷者  
難療夫冷必由臟腑元陽虛弱然後風邪得以乘  
間而入血氣不勻遂自經絡而容於皮膚之間脉  
息不能周流遂凝於所滯愈冷則愈積而不散復  
加庸醫用涼劑而內外交攻則其為病鮮有不危  
者矣學者當觀其外之為證而察其內之所屬表  
裏相應萬無失一此藥有軍姜肉桂足以為熱血  
生血然既生既熱而不能散又反為害故有草烏  
南星足以破惡氣驅風毒活死肌除骨痛消結塊  
喚陽氣又有赤芍白芷足以散滯血住痛苦生肌  
肉加以酒行藥性散氣血雖十分冷證未有不愈



端如發寒灰之煇回枯木之春大抵病冷則肌肉陰爛不知痛痒其有痛者又多附骨之痛不除則寒根透髓非尋常之藥所能及惟此藥大能逐去陰毒迎回陽氣住骨中痛且止肌肉皮膚之病逆可知矣但當斟酌用之不可太過則為全善治法加減疏舉如左

一發背發於陰又為冷藥所誤又或發於陽而誤投藥冷陽變為陰滿背黑爛四圍好肉上用洪寶丹把住中間以此藥敷之一夜陽氣回黑者皆紅察其紅活即住此藥却以冲和收功如不效欲作膿又以南星草烏加於冲和用之如陽已回黑已紅惟中間一點黑爛不能紅者蓋血已死可以朴消

明礬又云白丁香硃砂乳香用唾調勻於黑紅交處作一圈上用冲和蓋之至明早起藥自然去黑肉如割却以藥洗之換以生肉合口收功

一流注冷證多附骨內硬不消骨寒而痛筋縮不伸若輕用刀針並無膿血若止有乳汁清流或有瘀血宜用此藥敷之若稍緩止以軍姜白芷肉桂草烏等分熱酒調敷骨寒除而痛止則氣溫和而筋自伸肉硬自消矣然沿流注不可無木臘以其性能破積滯之氣消堅硬之腫最妙又不可多多則能解藥性蓋此證主於溫藥故也

一鼓椎風起於中濕或傷寒餘毒又或起於流注之壞證或起於風濕虛痺此證有三一是兩膝相撞



行步振掉膝脛胫骨微腫二是膝脛胫骨交接處  
大如椎腿股內消皮縮畏骨三是上腿腫大下股  
冷消蓋足膝屬肝肝經有風寒濕氣則血脉不流  
而作此遂為膝寒所溢凝流不動下股之血脉有  
去而無返是以愈瘦愈冷而筋愈縮上腿之血脉  
有積而無散是以愈腫愈熱而肉愈瘦其原若起  
於流注則肉凝者為爛爛則冷毒腐骨腐骨一出  
神仙無術未破則肌肉尚未死急以此藥熱酒調  
敷膝脛骨上腿處以住骨痛回陽氣又以冲和塗  
下腿冷處引其血氣使流動而不通貫血脉又以  
此方敷胫骨交處以接所引之血脉以散所積之  
陰氣內則用追風丸倍加乳香以伸筋如法服之

死不愈者如人欲出方可用五積散加姜桂並歸  
又加大川烏牛膝檳榔木瓜或茶或酒調之

一男子婦人久患冷痺血風手足頑麻或不能舉動  
可用綿子夾袋此藥在中心却以長長纏在痛處  
用絹袋繫定此藥能除骨痛附在肉上覺皮膚如  
蟻緣即其功也如痺可加丁皮吳茱萸沒藥大川  
烏等分然後全在追風丸表裏交攻去病如神  
一風脚痛不可忍內用追風丸外用此方加生薑姜  
汁調熱敷欲得立止可依法加乳香沒藥化開酒  
調為妙

一火損入骨者蓋因墜壓跌撲傷折不曾通血以至  
死血在所患之處久則如雞肺之附助輕者皆



之暈右年少之時血氣溫和尤且不覺年老  
遇風寒雨濕其病即發宜以此方熱酒調敷內則  
用搜損尋痛丸表裏交攻為妙雖然血氣虛弱之  
人病在胸肋腰背之間者謂之脫垢不除變為血  
結勞不論老少年遠近歲大而偏身小而一季半  
肘醫之則一此等乃根蒂之病此非一劑可愈磨  
以歲月方可安未成勞者易已成勞者難

一法只用南星草烏加少肉桂能去黑爛潰膿謂之  
小玉龍此法大效

一治石癰用此方熱酒調敷外却用洪寶箍住四圍  
待成膿後破

一婦人乳癰多因小兒斷乳之後不能回化又有婦

人乳多孩兒飲少積滯凝結又為經後不調逆行  
失道又有邪氣內鬱而後結成癰腫初發之時切  
不宜用涼藥冰之蓋乳者血化所成不能漏泄逐  
結實腫核其性清寒若為冷藥一冰凝結不散積  
久而外血不能化乳者方作熱痛蒸逼乳核而成  
膿其苦異常必爛盡而後已故病乳癰者既愈則  
失其乳矣蓋乳性最寒而又滯以涼劑則陰爛宜  
也然涼藥亦未嘗不用用於既破之後則佳如初  
發之時宜於此方中南星姜汁酒兩停調勻其  
敷即可內消欲急則又法以草烏此藥味性烈能  
破惡塊逐寒熱遇冷即消遇熱即潰如已成癰腫  
則又從沖和依常法用之或加此草烏南星二末



亦可破後觀其原原於冷用中和收功原於熱  
洪寶生肌且須用乳沒佳痛以減其苦至於製藥  
只用瓜蒞散隨人虛實參以通順散十宣相用服  
之多口者為乳發乳房堅硬者為乳石正在乳前  
處腫者為吹乳在乳巖囊下為乳漏以內懸垂而  
血易滿故也故為難治一囊一口為乳癰五十年  
老人無治法外有老人乳節又為可治蓋在乳囊  
肉上為癰若近腦則為節矣

一宿痰失道癰腫無膿者可用此藥點頭病必旁出  
再作為佳不然則元陽虛耗此為敗證如元陽虛  
耗敗證者急用全體玉龍敷之拔出成膿服藥則  
通順散加桔梗半夏當歸肉桂等藥若病紅活熱

驟則當歸沖和為佳切不可誤投涼劑此方但能  
拔毒作膿病回即止不可過若能參用陷脈神劑  
尤妙出外科精要

一肚癰一證十有九死蓋胃屬陰外寒裏熱凡氣血  
潮聚趨熱避寒故多為內癰不能外現間有微影  
欲出則又為冷藥所觸及服涼劑雖有神仙莫施  
其功醫者可不慎乎凡有此證初覺腰痛且以手  
按之痛苦走閃移動則為氣塊若根不動外面微  
有紅腫則為內癰急以此方拔出毒氣作成外癰  
然後收功沖和內則用通順散加忍冬藤治法如  
前若癰自能外現者不必用此方只用沖和為妙  
不可輕用針刀如犯缺器口不能合只用玉龍貼



癱頭上四面以冲和圍之依法自破若膿流不快  
依法用洪寶三分姜汁七分茶調敷之膿出皆天  
內用十宣平補生肌外則依然收功冲和此證陰  
多陽少損人最害將安之際倍服內補以生氣血  
庶幾易愈否則消而復脹口不合既安之後尤宜  
多服內補加附子否則氣弱難平證冷者未破之  
先尤宜先服附子方好既破之後切不可用急泄  
斂口之藥恐食毒不散服藥力到自然合口至於  
內癱已成不能拔出只用冲和貼使在外溫和  
成膿自臍腑而出不至肉爛死生所係全在服藥  
之功治法見前最忌毒食食毒即發反復難療又  
有孕婦痛此者又與此異內用紫蘇飲安胎勿輕

與他藥若臨月則兒與膿俱下若尚遠則膿自大  
臍中下若初萌只服藥可消若癱在外面其證必  
熱惟可用冲和收功亦須審輕重用之恐有誤也

敷貼涼藥第五

洪寶丹

又名金丹

寸金

四黃散

一黃散

又名破血丹黃藥

天花粉

三兩

姜黃

一兩

白芷

兩

右為末茶酒湯使隨證熱塗諸般熱證癰腫之毒

金瘡之證

此一藥一涼而已能化血為水又能使血瘀積又能  
涼肌生肉去死肌爛肉及能破血退腫又能滯氣為  
浮能止痛又能為痛閉膿又能出膿一反一復此方



藥性無他過涼效少過熱效多故非十分陽證不可  
輕用恐或凝寒治療費力若夫金瘡出血非此不可  
乃第一藥餘外但可為前藥之佐使爾當審之審之  
大抵此三藥可合力同功者可獨將專權者可分司  
列職者可合圍交攻者可借援求救者可勇力相持  
者可正兵先鋒奇兵取勝者可奇兵先鋒正兵取勝  
者神聖工巧端與兵法無異然兵隨印轉將逐令行  
故立功取勝存乎其人苟非明理通變之士何足言  
哉用法如後

一若病勢大熱可用熱茶調敷如證稍溫則用酒調  
若用以撮膿可用三分姜汁七分茶調何也此藥  
最涼能使血退姜汁性熱能引血潮故血退則被

引血潮被速進退相持而後成膿作破逼膿盡流也  
一凡瘡口破處肉硬不消者瘡口被風所襲也此方  
中加獨活以去風用熱酒調如又不消則風毒已  
深肌肉結實又加紫荆皮有必消之理矣

一此方莫善去金瘡及諸熱證赤腫斷諸血根不使  
掀赤若癰疽不可輕用恐貼處不散食毒入內在  
骨則成骨癰在喉項則毒氣聚喉在胸背則陰爛  
臟腑在腹肚則為內癰殺人不可不慎我以此  
冲和玉龍依法詳用之為妙

一年少血壯之人衰老血敗之士如有瀝血無藥可  
止血盡人亡若在手足可用茶調敷手足上下尺  
餘遠若在背脊腰腹則全體敷之把住血路方能



止却用斷血藥五倍末方見後或神效軍中方揆口方得安愈

一治金瘡重者筋斷脉絕血盡人亡如要斷血須用繩及絹袋縛住人手臂却以此方後手臂上用茶調敷住血路然後却用斷血藥揆口却不可使內補及四物等藥却又能令人發嘔吐甚則口眼喎邪少焉發煩發熱成破傷風只可下對金飲加川芎白芷姜棗煎自安却徐徐補血如或有破傷風證又須用破傷風藥即葛根湯之類方見后瘡口用軍中方加九肋鷲甲酥炙碾

一凡金瘡在頭面上者血不止急用此方茶調團團敷額上截血瘡口邊亦用此敷軍中方揆口重十日輕者三日效

一凡金瘡着水肉者者可用薤汁調此方敷瘡口兩旁以火微炙之或用早稻稈烟熏之瘡口水出即愈如無水出即是風襲可用南星茶調敷之即愈然後以軍中方揆口妙

一治婦人產後或經絕血行逆上心不能食或吐血鼻衄舌衄可以此方用井花水調敷頸項上艾汁調亦妙其血立止然後服藥以絕原如舌衄必有血泡破之復脹可用線於舌根頸縛住勿於頸項上截血內用黃芩荊芥涼心之藥以收原舌上用蜜調結口之藥以治之泡破除線血服涼心藥四物湯加荊芥薄荷苛砂



一此方用藥調塗熱毒恐隨乾隨痛赤腫不退當用  
雞子清調敷諸熱毒難乾妙湯火瘡同  
一打破傷損在胸膈上者藥通血不下可用菜豆水  
調此藥末吞之即吐出而安又有從高墜下用通  
血藥不下數日病人幾死此必天時寒涼服大黃  
等藥冰之血凝片不行可用熱酒調軍姜末飲之  
片時血通人得更生蓋借熱性以活死血則前藥  
方能行矣

合用諸方第六

黃礬丸 即護膜散

明礬 一兩俾生用為末

黃蠟

右以蠟溶開出火候及九分冷傾入礬末在內和

為丸如梧桐子大每服十九丸加至二十九丸或米湯  
下未破者即潰已破者即合大能護膜救心防毒內攻  
柞木飲子治發背癰疽已成未成並宜服之此方救貧良方

乾柞木葉四兩 乾荷葉心蒂 萱草根

甘草節 地榆 各一兩俾

右為散每服半兩水二碗煎至一碗分作二服早  
晚各進一服再合滓煎有膿者自乾成膿者自消  
忌一切毒食之物

三石散治患瘡消渴小便數宜服此藥

人參 白朮 當歸 白芍藥 各一錢

桔梗 知母 山梔子 各錢 茯苓

連翹 天花粉 乾葛 各錢 肉桂



藿香

木香各半錢 甘草六錢

朴消一兩六錢

寒水石

石膏各錢 滑石二兩

大黃

右為末散每服五錢水一盞姜三片煎至一半用布絹絞汁入蜜少許服漸加一兩俸一日三服常使小便疏通如有自利不用朴消大黃外科精要八味丸亦治此證

瓜蒌散治癰疽

瓜蒌新舊皆可和椒炒碎

川椒二十粒

甘草三四寸剉

乳香五粒如皂角子大

右用無灰酒三椀煮作一椀去滓溫服其毒立散未成即破已成者膿自出皆不用手  
海上方治內癰有膿敗血腥穢殊甚速至臍腹冷痛

此乃敗膿所致用此方推膿下血

白芷一兩

白芍

白礬枯各半兩

單葉紅蜀葵根二兩

右為末蠟鑿溶為丸如梧桐子大空心食前米飲下三十九丸挨膿出盡十宣散補之 一方用猪膏煎鯽魚治腸癰 一方以鱉甲燒存性服之

真君妙貼散

通明硫黃三兩 蕎麥粉二兩

右作末以井花水調和稀稠得所捏作餅子曬乾或焙乾收之如有惡瘡再用研碎以井花水調敷之如痛即不痛如不痛即痛而愈

追風丸治男子婦人冷痺血氣手足頑麻流注經絡成鼓椎風並皆治之



沉香五錢仲培 牛膝酒浸炒 當歸各三兩仲培

薏以仁 白芷 川芎各三兩仲培 羌活

防風炒 川烏一隻泡 赤芍炒 天麻炒

草烏炒黃肉桂 乾姜炒各兩 丁皮

乳香 沒藥 木香各五分仲培 木瓜炒三兩仲培

右為末蜜丸每服三十九丸酒下如脚氣用酒糊為

丸温酒下為末則用酒調服忌熱食

搜積尋痛丸能接骨遍身疼痛久損至骨如金刃傷

則後用之 乳香二錢 沒藥二錢 當歸一兩 軍姜五錢炒

肉桂三錢 川芎一兩 薏以仁炒一兩如筋絕脉絕多加此味

丁皮五錢 獨活五錢炒 茴香二錢炒 草烏五錢炒黃色

骨碎補二兩炒 赤芍五錢炒 石粘藤炒五錢云二兩 白芷炒五錢

右作末蜜為丸用生姜細嚼温酒吞下如為末用

姜酒調服亦可浸酒喫亦可如折傷則須用藥遍

身頑麻方可用藥接骨加草烏一七多熱酒調服

量人老弱虛實加減用之如其人麻不解可用大

烏豆濃煎汁解之如無豆淡煎濃豉亦可如吐酸汁

復煎散治癰疽發背

黃柏 黃芩 黃連 知母

生地黄各一錢酒洗 防已 山梔

黃芪 麥門冬 甘草炙 獨活各半錢

人參半錢 當歸尾二錢 陳皮 防風稍 甘草稍生 蘇木 當歸身 五味子 猪苓



藁本

連翹

桔梗

右吹咀每服四錢水二盞煎至七分去滓隨證上下食前後服

神鋒散 又名替針膏

餅藥

針水

白丁香七粒硃砂一字

右用針水調勻敷貼

烏金散 去惡肉潰滯膿 巴豆半錢 寒食面二兩

右用水和面作餅子巴豆燒黑色量瘡口大小乾按之

索血散 凡刀刃傷有潮熱面腫氣喘乃破傷風者此藥亦以治之

乾葛 虛弱老人出血多者去此加川芎代

防風

赤芍

細辛

羌活

桔梗炒

甘草

肉桂

白芷各三錢

右為散姜葱煎服

葛根湯 治刀刃傷後發寒熱男女流注初發潮熱紅腫赤痛者以此發散

升麻一兩

白芷

葛根二兩

甘草二錢

半夏

蘇葉

白芷

丁皮

川芎

香附子

陳皮各

右為散每服二錢姜葱煎空心服之

散血散 被刀刃傷血出過多用此藥補之

人參

當歸

白芷

白茯苓

黃芪各五錢

砂仁

陳皮

丁香各二錢

枳殼炒

牛膝酒浸各三錢

川芎一兩

蒼朮炒

茴香炒

甘草各錢

肉桂



右為吹咀每服三錢姜棗煎不拘時凡瘡口及跌  
瘡要生肉須服此藥或十宣散亦可  
**通血散**如肉傷無血者及打撲偏身赤腫大小便

通服此通之 大黃錢麵最服 當歸二錢

右用蘇木枳殼煎湯調溫服如用酒加重便更潤

熱不用酒如不通用炒枳殼煎湯引發

**雞鳴散**亦通血 大黃末青杏仁 麩末 右為末調服

伯顏丞相軍中方 治刀箭兵刃所傷

乳香 沒藥 羌活 紫蘇 細辛

烏藥擊鳥 麝香毒 蛇含石根 厚杜 白芷炙

降香 當歸 蘇木 檀香 龍骨

南星 硫黃 寄生尾 花蕊石童便淨十次

右等分為末乾揆傷處止血止痛去風生肌瘡口

四圍用洪寶丹敷貼神妙

**煮洗方**凡患一切癰疽發背諸瘡打破傷損骨斷未

破或未斷而腫痛者並皆治之

桑白皮殺傷此為主 白芷一兩半 赤芍二兩

烏藥腫痛此為主 左纏藤 荆芥

橘葉 藿香臭爛加此 柏葉根亦可

右剉散隨證加減每藥一兩仲用水二碗煎

金瘡加荆芥桑白皮臭加藿香毒瘡加烏柏根皮

溫溫用瓶斟洗如傷損遍身重者可於小房內

風之處用火先燒紅大磚數片先用熱藥湯煮

如氣息溫又用紅磚逐旋淬起藥氣令熱得少汗



出為妙

麝香輕粉散 又名桃花散

生肉合口去痛住風一切癰瘡傷折口不合用

藥洗後以此方乾擦

乳香 沒藥 五倍子 培為 白芷 不見味去

赤芍 散血 輕粉 國丹 水飛 赤石脂 煨性急

麝香 血竭 止血 檳榔 止血 宣郎

當歸 酒洗 海漂消 右研為細末擦口

神異四七膏治一切疔瘡惡瘡毒瘡久不愈者即愈

乳香 沒藥 防風 羌活 白芷

赤芍 當歸 宣連 肉桂 皂角

五倍子 巴豆 去殼 木鼈子 國丹 早麻子

無名異 檳榔 水粉 輕粉 楓香

華藜 一用烏 松香 黃蠟 等分 桃柳 槐枝

蠟膏 清油

右除乳沒麝輕粉丹另研外先用清油煎諸藥令

焦方下楓香松香黃蠟蠟膏又熬令溶用絹濾去

前藥却下國丹水粉再熬令紫色然後下乳沒麝

輕末用桃柳槐枝不停手攪勻滴水不散為度將

瓦器收貯出火毒方用

右方止血生肉合口通變用法

滑石 性緩 寒水石 煨 石膏 煨性緩 香香燒

雄黃 位臭 龍骨 煨性急 川山甲 灰炒能去水

百草霜 王不留行 炒止血 留寄奴 炒止血



金櫻子 九里光止血 苧根燒存性 老松皮燒存性

右各為細末 加減用之

住痛一黑散亦能止血

百草霜 苧根燒存性 番降燒存性 搽口用

先用老松皮燒存性為末 能住刀口 杖瘡 一切痛

不止者亦能止之

神效復元通氣散 治一切惡瘡 初覺發時 連進三服

癰疽下瘡 腫痛並皆治之

當歸二兩 甘草二兩 生地黃半兩 黃芪一兩

白芍二兩 天花粉二兩 熟地黃半兩 金銀花二兩

右以咀 每服五錢水一盞 半煎至一盞 去滓溫服

隨證上下 食前後服

本方藥品今注于後

異名

馬肝石上何首烏 碧蓮蒲木通可呼

紅牡丹名赤芍藥 陽春木蠟水菖蒲 各名陽春

快胃香茴香更好 長生草獨活人甦

金鴉散草烏形變 虎骨膏商星不殊

淮上橘來為枳殼 龍泉香炒軍姜敷

補血脂當歸酒焙 寶鼎香姜黃最

玉箭名為香白芷 土烏藥化土木

金屑香桂不見火 紫霞膠即紫刺

玉髓瓊漿番乳沒 天花粉瑞雪

國老實名為甘草 尋方取類可



製法

白芷肉桂不見火

何首烏不犯鐵器

土烏藥赤芍茴香

紫荊皮望見消軍姜並炒

獨活去節炒

當歸酒洗焙

枳殼煨

甘草炙

木通去皮節

南星煨

淮草烏煨

姜黃天花粉生用

增添別本經驗諸方

治癰疽發背

內補散專治癰疽發背潰膿出多內虛少力不進飲

食有陰證惡重者亦治之

人參

白茯苓

當歸

黃芪

桂心

遠志各半兩

芎藭二兩

麥門冬二兩

甘草半兩

白芍

陳皮熟地黃五味子各二兩

右咬咀水一盞半生薑三片棗三枚同煎溫服

又方用

附子

桂心

乾姜

白欬

人參

川椒查

芎藭二兩

赤小豆一合半

黃芪

防風

甘草各一兩半

右為咬咀每服四錢入酒煎溫服之

內補黃芪散治癰疽內虛不足膿水不絕四肢乏力

不進飲食久不好者必為內漏

附子

黃芪

肉蓯蓉

遠志

麥門冬

熟地黃

巴戟各二兩

白茯苓

白芍

人參

石斛

甘草半兩

此五味

山茱萸

克線子

當歸



芍藥 地脉 五章各五錢

右為細末每服二錢以荆芥湯送下

治消渴證多發癰疽之疾喫此水立效

右收下膈月水以搥取絲留湯澄清冷溫服二十

三次病退不渴

沉香散治諸發腫毒入腹心煩脹滿不進飲食

沉香 木香 薰陸香 丁香

大黃各一兩麝香少許 右為咬咀入水煎溫服

乳香散治發背內潰及毒氣攻衝嘔逆惡心內攻危

證凡惡疽疔瘡亦宜日進一二服使毒出外不

攻臟腑之證

乳香別研 真菜豆粉以菜豆去皮亦可用

研為極細末每服一錢重新汲井水少許調服細

細呷之要經絡發背大疽自肩下連腰脇腫盛其

堅如石極紫黑醫以淡藥敷之中夜大嘔乃連進

此藥三四服嘔逆止既而瘡潰出赤水淋漓四十

日而愈又有一患瘰癧者疼痛輒嘔服此嘔逆即

止草節煎湯調服亦可

內消散治癰疽發背諸瘡癰結硬疼痛不止

人參 當歸 黃芪 川升麻

沉香 黃芩 防已 防風

遠麥 白斂 甘草各兩 赤小豆一合炒熟

右為細末每服二錢不拘時溫酒調服

麥門冬散治發背乳癰赤腫疼痛體熱大煩渴止



黃芪 黃芩 門冬各兩半 川升麻

赤茯苓 赤芍 玄參 當歸

甘草 知母 芫蕪根各兩 生地黃

右咬咀每服四錢水煎溫服熱甚加淡竹葉燈草

木通散治癰疽諸發氣壅大小便不通

木通 黃芩 大黃 土瓜根

漏芦 甘草 朴硝各二錢 梔子仁三錢

右咬咀水煎溫服以利為度

瞿麥散治癰疽發背排膿止痛利小便

桂心 赤芍 當歸 黃芪

芎藭 瞿麥 白斂 門冬各等分

赤小豆一合酒浸炒乾

如諸癰已潰未潰瘡中膿血不絕痛不可忍

者加 細辛 白芷 白斂 薏苡仁

右為咬咀每服四錢酒煎溫服

不止麒麟散治癰疽惡瘡生肌後行房事用力勞動

勢復出血不止 血竭 檳榔 白芨 黃連 黃柏 訶子各兩

總為細末用雞子白調塗敷之用紙貼之藥乾即

換不用水調

疳方化痰丹 明礬 遲礬 大半夏湯洗七次

大南星各二兩 一半湯洗七次 一半皂角煮

內用南星一半切作片子却用不蛀皂角截斷七

片各長一寸用水同南星煮乾為度去了皂角只



用南星焙乾將前藥總為細末水打硬麵糊後冷  
用濃生姜自然汁在內化開麵糊為丸如梧桐子  
大每服三五十九空心卧用淡姜湯吞下立效

肺癰黃芪散亦名桔梗湯治肺癰心胸氣壅咳喘膿

血有背煩悶小便赤黃大便多澁不進飲食

黃芪 天門冬 川大黃 紫蘇葉

赤茯苓 桑白皮 生乾地黃各一兩

杏仁 葶藶 枳殼各三錢當歸

甘草各滿 加貝母 薏以仁

右為吹咀生姜三片水煎溫服

桔梗丸治肺癰膏中滿振寒脉數咽乾不渴時出濁

唾腥臭久久吐膿如硬米粥者用

桔梗半兩 貝母半兩 巴豆一錢去油

右為細末煉蜜為丸如梧桐子大強人進粥飲下

五丸羸人下三丸若病在膈上者吐出也若膈下

者利出也若下多不止者冷飯三四匙補之即止

治腸癰壯熱大微汗氣急小腹腫痛小便澁似淋或

大便澁難如刀刺痛及背肺疼痛腸中已成膿

或大便下膿者用

當歸一兩微炒 甜瓜子一合 蛇退皮一尺長

右為吹咀每服四錢水一盞半煎至一盞去滓合

前服之利下惡物為妙效矣

牡丹散治腸中未成膿腹中疼痛不可忍

木香 牡丹 敗醬 甜瓜子



赤芍 桃仁 芒硝 川大黃微炒各三兩

右為咀散用水煎服

茯苓湯治腸癰小腹牽強按之疼痛小便不利時時

有汗出惡寒脉遲未成膿也

赤茯苓 桃仁 甜瓜子 川大黃微炒

川芒硝 牡丹 右咬咀用水煎服三四日即愈

平黃散治腸癰成膿者治之

牛黃一錢 血竭半錢 大黃 牙硝

牽牛 牛旁子 破故紙

總為細末用溫酒調服以利下膿血而度

千金方

凡人患腸癰其狀兩耳輪交理甲錯初患腹中苦疼

痛或遠臍痛有瘡如粟皮熱便膿血似赤白下者不治者必死也

漏蘆湯 漏蘆 黃芩 白朮

麻黃去節 大黃各三兩 升麻 白薇

枳殼去白 為藥 粉草各二兩炙

右為咬咀每服四錢水一盞煎至七分空心熱服

本方芒芩去之若見熱而實者加

大黃五兩或加芒硝亦可

升麻和氣飲治瘡疥發於四肢痛痒不常甚至增寒

發熱腫下濕痒並皆治之

升麻 乾葛 桔梗 蒼朮各一兩

枳殼制 半夏制 乾姜各半兩 陳皮



白芷

甘草各兩

茯苓

當歸

大黃蒸各半兩

芍藥七錢半

右吹咀每服四錢水一盞生姜燈心同煎食前溫服

復元通氣散治諸氣眩耳聾腹癰便癰瘡疽無頭止

痛消腫

青皮

陳皮各四兩

川山甲炮

甘草半生熟

枯蕒根各三兩

金銀花一兩

加連翹

大黃

當歸半兩

皂角刺一兩

右為細末熱酒調下或用酒煎亦可

黃芪茯苓湯治諸癰疽膿出大多虛熱不停

赤茯苓

升麻

大黃

黃芪

黃芩

遠志

赤芍各兩

甘草

人參

當歸

生地黄各二兩

麥門冬一兩半

右吹咀每服四錢水煎服之大效

治諸疔瘡方法

如疔瘡初出以不變色及不知疼痛按揉不動欬項

身發寒熱便是此瘡氣疔水火疔蛇眼石疔雄雌疔

爛疔血疔刀斧疔紅絲魚睛紫硯麻子諸般疔急用

圈黃藥用臘月間雄猪膽一箇入雄黃京墨姜汁為

末入於膽內用此藥塗在瘡上圈之便不走黃元疔

發之上便打一針直到痛處便住血出無妨便入仙

蟾拔毒取黃藥入於瘡口內即用水沉膏貼之神應

膏亦可取黃回時以瘡紅腫為度四圍腫可以放針

出血毒黃水如是走黃看血筋到何處以用火針刺

斷其血筋立住便不走黃看先黃走入何處結成一

塊便是黃者可以黃上便放三五十針等出血及毒



氣即用敷黃藥敷出毒矣如是黃走者在過右右過左者難治之必死也瘡上黃上放針無血出如血紫黑者難治亦死也用針取黃不用鉄針只用金銀銅針者初發急服追疔奪命湯即能內消立效以服飛龍奪命丹亦可後服化毒消毒托裏散以服諸藥皆要大汗出為度

### 取蟾酥法度

右將活蝦蟆眉稜上用手裹捻油紙上或是黃桑葉上便有蟾酥用竹篾青刮離紙葉上便於原刮竹篾上插在背陰處經宿酥自然乾收用之  
追毒丹取黃去疔頭追膿毒立效

蟾酥一錢乾用老酒化

蜈蚣酒浸多乾黃

硃砂一錢 白丁香一錢無此味加巴豆七粒去壳

雄黃二錢 輕粉一錢 朱砂三錢為衣如無黃丹亦可

總為細末麵調水為丸如丸不就用酒打麵糊為丸如麥大兩頭尖入於針破口內用水沉膏貼之後用膏藥及生肌藥退出膿血毒物又如黑陷漏瘡者四圍死敗肉不去不生肌者不可治也亦用此藥追毒去死肌敗肉生新肉愈矣小者用一粒大者加用之病輕者不必用針只以手指甲爬動於瘡頂上安此藥水沉膏貼之其瘡即時紅腫為度去其敗肉為妙用之神效立驗  
水沉膏將白芨末放在盞內用水沉下去用紙貼之如用膏不可用生肌藥方在前



敷黃藥

蟬蛻

姜蚕

又方絲瓜葉連鬚葱白並

又方

蒼耳根苗燒灰

白鹽梅灰

藍靛為妙

總為細末酸醋調塗四圍留瘡口上毒出如乾再以醋長長潤濕為度如不退加前敷藥化毒散血拔毒散立效

疔瘡陷頂

專治疔瘡發背諸般惡瘡癰及膿水不乾者以用鉄

秀不拘多少研為細末用醋調塗疔瘡上須更疔毒

自然凸出膿水即乾立效

追疔奪命湯秘方速效能內消腫

羌活

獨活

青皮多

防風多用

黃連

赤芍

細辛

甘草節

蟬蛻

姜蚕

脚連各等分

加何車

澤蘭

金銀

有膿加

首烏

白芷要利

青木香

大黃

梔子

牽牛

在脚加木瓜

右吹咀每服五錢先將一服加

澤蘭少用藥

金銀花各一兩生姜十片同藥搗爛好酒釀之

熱服不喫酒者水煎為妙然後用酒水各一盞

半生姜十片煎至熱服汗出為度病重後再

加大黃二錢煎至熱服再以利一兩物去

為妙此方以藥味觀之甚若不切然效速於神

驗萬無一失累用累效如有別證再出宜隨證

加減治之速效



若心煩嘔吐加甘草節一錢豆粉酸漿水下

嘔逆惡心加乳香豆粉甘草湯下紫荷車老姜

用米醋一口吞下○心煩嘔名伏暑用朱砂五

苓散○嘔逆加母丁香石連不止用不換金

正氣散又加人參木香○嘔不止因喫水多手足

冷以黃連香薷散吞之消暑丸冷不止者加宣木

瓜牽牛○心煩加麥門冬赤芍梔子燈草○潮熱

加北柴胡黃芩淡竹絲茅根○眼花加硃砂雄黃

麝香少許○腹脹加薏苡在寒水石○自利加白

朮白茯苓豆蔻米殼○腹內痛不止加南木香乳

香○喘嗽加知母貝母蜜少許○頭疼加川芎白

芷葱白○痛不止加蘿蔔子川芎葱白搗碎敷於

太陽即止 痰涎多加生艾尾葉用米醋搗取汁

嗽去痰 咽喉痛加山豆根靈消根梔子淡竹葉

艾葉燈草 大便秘加赤芍姜製枳殼大腹皮

小腑秘加赤芍赤茯苓通車前燈草 尿血出加

生地黃車前 鼻血出加野紅花地黃藕節姜皮

生用骨蒸加絲茅根 無脉服二十四味流氣飲

瘡不痛 頂不起灸三壯 更不痛不治

秘方加進葉速效內消一生受用矣

飛龍奪命丹專治疔瘡發背腦疽乳癰疽附骨疽一

切無頭腫毒惡瘡服之便有頭不痛者服之便痛

已成者服之立愈此乃惡證藥中至寶病危者服

之立可矣萬無失一此乃家傳之秘方一生受用



不敢輕洩神速之驗即愈立效

蟾酥二錢乾者老酒化 血竭一錢

乳香二錢

沒藥二錢 雄黃三錢 輕粉半錢

膽礬一錢

麝香半錢 銅錄二錢 寒水石一錢

硃砂一錢為衣

海羊二十一箇蠟牛即是連殼用之

腦子半錢無亦可

天龍一條酒浸炙黃去頭足

右為細末先將海羊研為泥和前藥為丸如菘豆大如丸不就入酒打麵糊為丸每服二丸先用葱白三寸令病人嚼爛吐於手心男左女右將藥丸裹在葱白內用無灰熱酒三四盞送下於避風處以衣蓋覆之約人行五里之久再用熱酒數杯以助藥力發熱大汗出為度矣

初覺二丸即消如汗不出重者再服二丸汗出即效三五日病重者再進二丸即愈如疔瘡走黃過心者難治之汗出冷者亦死矣如病人不能嚼葱搗碎裹藥丸在內熱酒送下瘡在上食後服瘡在下食前服服此藥後忌冷水黃瓜茄子油猪雜魚肉濕麵一切發風發瘡毒類之物不可食之又忌婦人洗換狐臭百發百中此藥活人多矣

歌括

血竭蟾酥輕粉

雄黃銅錄硃砂

膽礬寒水麝香加

三七海羊研化

專治疔瘡惡毒

腦疽發背無差

如菘豆大二丸桂

細嚼葱酒送下



衣被蓋之汗出

返魂救死堪誇

神仙傳與世人家

奪命金丹無價

凡患疔瘡癰疽等瘡癩毒

九味化疔湯

專治此瘡能令內消去毒化為黑水從小便出  
萬無失一此方不得秘又不許輕泄謹之慎之  
寶之可也

乳香

知母

半夏

天花粉可加貝母

川山甲

白及

皂角

銀花各一錢

右為咬咀用無灰酒一碗煎至半碗去滓只作一  
服溫服不得加減再將滓搗碎為細末加秋過美  
蓉葉一兩用蜜調并花水及敷藥於瘡口土知乾  
再用蜜水潤溫過一宿自然消不必用第二服

### 雄黃丸利大腑去毒積

蔚金

雄黃各半兩

大戟

芒硝各兩

巴豆

四十粒去壳  
不去油

右為細末麵糊為丸如菘豆大每服七八九九用  
巴豆半粒搗爛冷白湯送下如要打痰以桑白皮  
杏仁煎湯冷吞下即行○又方以大戟為末每服  
三四錢茶清調服即行○又方如要下積用江子  
二十一粒木香丁香桃仁各等分為細末麵糊為  
丸如菘豆大溫白湯吞之

### 過藥

用江子一兩

豆豉二兩

右為細末麵糊為丸每服七丸白湯送下即行忌  
食熱湯物過後以溫白粥米湯補之  
接黃藥用蟾酥飛羅麵為丸如梧桐子大可將一九



放在面前舌下即時黃出

**百二散** 又名護心散 治發疔瘡煩燥手足不住發狂

者急宜服之 甘草節 菘豆粉 硃砂各等分

右為細末甚者水調服之大效

**返魂丹** 治病同前 麝香少許 雄黃二錢

**蟾酥** 一字 江子七粒去殼灯上燒存性

右為末和酥點舌上三次含化點之其疔自爆勿

用鉄器忌之

治瘰癧神效方法

凡患瘰癧不問年深月久者先用繩子繩住其瘡以

後用艾火從下面兒瘡上灸一箇起以等下灸上灸

到母發之處即住每一箇上用大蒜一片貼之灸五

七壯止隨灸一箇便用膏藥貼之當時一日一換立

見神效矣

**秘傳膏藥** 真菘豆 二兩半鈔用銅鈔子炒黃色枯了為妙

檀香半兩焙乾用 香蠟 香節亦可

膽礬半兩真者取毒生肌後不用此味 乳香

沒藥各半兩痛用 輕粉 厘子亦好少用

南蛇膽 無亦可 麝香破者可用初灸不用

右為細末諸藥半兩可用豆粉五兩米醋調成膏

攤開油紙上貼之不生肌加生肌藥即愈矣

**五香連翹散** 治一切積熱結核瘰癧癰疽惡瘡腫癩

沉香 連翹 桑寄生 升麻 丁香 去枝梗

射干 獨活 乳香 升麻



大黃蒸要利生用 木通 羌活 甘草

麝香破者用 青木香各等分 又方加生黃芪

右為嘔咀每服四錢水二盞煮取八分食後熱服  
以利下惡毒為度本方有竹瀝芒硝隨證熱輕重  
當自加減為妙再用此滓煎湯洗之其瘡即愈

立效散又名六一散 益元散 瘰癧初發之時服此藥即安

滑石一兩 甘草二錢 二味為末先將此末

每服一錢半米飲調服臨睡進一服半夜再進一服

又方用荊芥穗 姜蚕 黑牽牛各四錢

斑猫二十八箇去頭足翅入糯米炒黃色去班用米

總為細末每服一錢至五更初時用溫酒調服等  
惡物從小便中出如小便無惡物行次日再進一

服又不行第三日早五更初先進白糯米稀粥却  
又再一服更以燈草湯調琥珀末一錢服之以小  
便內利下惡物為效絕根不發如肚疼痛不止利  
惡毒不住可用生冷茶補之肚痛不止用防風槓  
水解之前藥不可多用

牛旁子丸治風毒結核瘰癧腫疼不止

牛旁子微炒 首烏各兩 乾薄荷 雄黃各二兩

牛黃 麝香各二錢 皂角七皮水二升槌汁煉膏

右以為末用皂角膏為丸如梧桐子大每服二十  
丸煎黃耆湯下

四聖散治瘰癧去利後用此補之

海藻 石決明 羌活 瞿麥穗各等分



右為細末每服二錢米湯調下

經驗治咽喉方法

夫咽喉者為一身之總要與胃相接呼吸之所從出  
若有膏膈之間蘊積熱毒致生風疾壅滯不散發而  
為咽喉之病喉內生瘡或壯如肉腐為腫為痛窒塞  
不通吐熱不下甚則生出重舌治之尤宜先去風痰  
以通咽膈然後解其熱毒遲則有不救之患又有熱  
毒衝于上腭而生瘡謂之懸癰及腑寒亦令人咽門  
吐吞不利臨病須當審詳其證施以法治  
化毒托裏散治咽喉風熱上攻急閉腮頰腫痛并雙  
蛾單蛾結喉重舌木舌並皆治之以利即解  
玄參 木通 大黃生用 淡竹葉

梔子 生地黃

燈草 各等分

右為吹咀每服水煎溫服

灌嗽急解用水清油調皂角末百草霜吞下亦可

山豆根湯治咽喉腫閉疼痛灌嗽去痰噲之熱下即

愈 山豆根 解毒 靈消根 生肌 梔子

淡竹葉 艾葉 燈草

右為吹咀喫酒者用酒煎不飲酒者水煎亦可有  
孕婦人不可服若諸喉生瘡者好喫此藥五六  
服絕根好矣

吹喉祛風散治咽喉中生瘡腫痛纏喉風閉單蛾雙

蛾結喉急喉風飛絲入喉重舌木舌等證

膽礬 鴨嘴沙 腦子一字 碧雪 白姜蚕 炒去絲



苦丁香即甜瓜蒂不用多燈草米糊漿炒  
若病不退加雄黃猪牙皂角去皮炙黃

焰硝

藜蘆

右為細末每用少許吹入喉中未成者速散已成者即破立愈重者吹入鼻中如痰多急解用生艾尾葉米醋同搗取汁噲之嚙嗽去痰立愈矣

又方用臘月猪膽以明礬為末入在膽內風中吹乾取礬碾末吹之立效 每年發者可灸火不發

又方若牙關緊閉者取九龍川名金釵草單枝上為妙只用根不用皮打碎用綿子裹着縛在筋頭上以去五六次於牙關上牙關即開又以喉中五六次痰涎即出後用火炙鹽為末綿子帶鹽去閉

之即愈進食後有返復取生姜搥碎將皂角炙過炙鹽為末用綿子裹姜帶鹽并皂角末去潤五六次即能愈矣

治纏喉閉急證以米醋生姜同搗灌之喉瘡即破

鼓槌草

土牛膝

加烏藥為妙

右二味生搗碎取汁用醋灌下重則灌於鼻中吐痰即愈乾者為末米醋煎至亦可矣

如聖散治急時氣纏喉風漸入咽塞水穀不下牙關緊急不省人事並皆治之

雄黃

藜蘆生

白礬

牙皂去皮炙黃

加蝎梢七枚

右為細末每用一字吹入鼻中吐出頑痰愈矣又方用白藥山豆根同煎噲之嚙嗽後嚙下一二



口即愈

經驗風狗咬人方法

如若風狗繞傷人之時即便喫清油半盞能清其心  
急取雄黃炒斑猫去頭翅足研為細末一日服一箇  
用雄黃以酒調服至七七四十九箇以服四十九日  
少用冷水入清油亦可若小便利下惡毒為度如不  
利者多進一服利後肚腹疼痛急用冷水調青龍服  
之以解其痛再以黃連水煎服之亦可服藥之後不  
得便喫熱物即絕根愈矣瘡口莫等好如不破可以  
灸破待血出去毒氣再不發也如是小便出血不可  
治也此之必死矣

治傷人死對周急解之

凡傷人已後至一年或一百日內發者已死但心間  
溫者便可救之急取槐花一斤用酒水二大碗煎至  
碗半以溫服之不能用者挑開口灌入喉中少時便  
能甦省一箇時辰之後用溫清粥與喫之此箇即無  
事矣如若不然再將藥滓煎服之不可與冷水及羊  
肉一應發風毒類之物切湏忌之

又方若復發者無藥可療用之極驗

雄黃明者五錢仲

麝香五錢仲

右各研為細末勻和一處用好酒調二盞服之如  
不能服者則撚其鼻而灌之服藥已後必然得睡  
切莫驚起任其自醒後利下惡物再進前藥數服  
即見此藥效矣



又經驗方法用杏仁不拘多少去其皮尖又以馬  
藷根一處同研細先以葱煎湯洗之然後再以此  
藥敷之或單以杏仁一味去皮尖用之亦可  
又方用葶麻子五十粒去殼以井花水研成膏先  
以鹽湯洗淨後敷之  
又方用虎骨油搽之即可立見效矣

仙傳外科方終

正德  
重刊